



Халқ сўзи

Ўзбекистон — келажги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 29 март, № 61 (7019) Пайшанба

Сайтимидаги ўқиш учун QR-коднинг телефонингиз орқали сканер қилинг.

ДУНЁ НИГОҲИ

Шу кунларда хорижий оммавий ахборот воситаларининг эътибори Президентимиз Шавкат Мирзиёев ташаббуси билан ташкил қилинган "Тинчлик жараёни, хавфсизлик соҳасида ҳамкорлик ва минтақавий шериклик" мавзусида Афғонистон бўйича юқори даражадаги Тошкент халқаро конференциясига қаратилган.

«Ўзбек дипломатиясининг катта муваффақияти»

АҚШнинг нуфузли "The New York Times" газетаси ўз муҳбири Род Нордланднинг Тошкентдан репортажини чоп этди.

The New York Times

Журналистнинг фикрича, мазкур анжуманининг бошқа ўхшаш механизмлардан фарқи, у Афғонистон раҳбариятининг "Толибон" ҳаракати билан тўғридан-тўғри музокараларни бошлашга тайёрлиги тўғрисидаги баёнотидан кейин бўлиб ўтди. "Мамлакатдаги кўп йиллик урушга ниҳоят чек қўйишга умидвор бўлиш мумкин", дея мулоҳаза қилади муаллиф.

Газета ўзининг ишончли манбаларига таянган ҳолда, "Толибон" ҳаракати орасида мулоқот зарурлиги тўғрисида жиддий қарашлар мавжудлигини таъкидлайди. "Тошкентдаги учрашув, — дея ёзилади "The New York Times" газетасида, — дунё ҳам-жамиятининг саъй-ҳаракатларини мувофиқлаштириш ва урушаётган томонларни муроसाга қақчиришга имконият яратди". "Voice of America" радиостанцияси Тошкентдаги анжуман Ўзбекистоннинг янги минтақавий



стратегияси ҳаётига таъбиқ этилиши да навбатдаги босқич бўлгани билдиради. "Deutsche Welle" телерадиокомпанияси (Германия) эса йигирмадан ортиқ давлатлар ҳамда халқаро тузилмалар вакиллари Уш атрофида тўплаган нуфузли тадбир Афғонистонда миллионлаб бегуноҳ инсонлар ҳаётига зомин бўлган қуролли можарони ҳал қилиш бўйича минтақавий саъй-ҳаракатларни янада кучайтиришга қаратилганлигини таъкидлайди. Каттар давлатининг "Al Jazeera" телерадиокомпанияси мухбирлари эса Афғонистон



тонда ўн йиллардан буён тўпланиб қолган муаммоларга ечим топишда Ўзбекистон муҳим ўрин тутушига ургув беришди.

(Давоми 3-бетда).

АҚШ Давлат департаменти Афғонистон бўйича Тошкент конференциясига муносабат билдирди

Америка Қўшма Штатлари Давлат департаментининг расмий вакили Хизер Нойерт мамлакатимизда бўлиб ўтган "Тинчлик жараёни, хавфсизлик соҳасида ҳамкорлик ва минтақавий шериклик" мавзусида Афғонистон бўйича юқори даражадаги Тошкент халқаро конференцияси юзасидан муносабат билдирди.

НУҚТАИ НАЗАР

Шу мақсадда ташкил этилган матбуот анжуманида нуфузли ахборот агентликлари, матбуот нашрлари, телеканаллар вакиллари қатнашди. Тадбирда АҚШ расмий вакили қўйидагиларни баён қилди: "Мазкур матбуот анжуманини АҚШ Давлат котибининг сиёсий масалалар бўйича уринбосари Томас Шенноннинг ташрифи тўғрисидаги эълондан бошламоқчиман. У Афғонистон бўйича "Тинчлик жараёни, хавфсизлик соҳасида ҳамкорлик ва минтақавий шериклик" мавзусида Тошкентда ўтказилган халқаро конференцияда АҚШ делегациясига бошчилик қилди.

(Давоми 3-бетда).

«Халқ сўзи» минбари

Муҳаммад ИЛТАФ ШАЙХ, Буюк Британия Парламенти Лордлар палатаси аъзоси:

Ўзбекистон жаҳон аҳлининг ҳамиша эътиборида

Ҳар бир халқнинг жаҳоний обрў-эътибори унинг дунё тамаддунига қўшган ҳиссаси билан ўлчанadi. Шу маънода, ўзбек халқи орасидан етишиб чиққан буюк зотлар фан соҳасида Урта асрлардаёқ эришган оламшумул ютуқлар ҳозир ҳам кўпчилиكنинг ҳаёлига келмаслиги рост.



2016 йилда Ўзбекистон Республикаси Президенти сайловида кузатувчи бўлиб келганимда Тошкент шаҳридаги Темурийлар тарихи Давлат музейи хотирамда ёрқин из қолдирди. Бугунги глобаллашув даврида жаҳон оммасининг эътиборини қозониш осон эмас, аммо бутун дунёда Ўзбекистон тарихи, бу заминда яшаб ўтган буюк зотлар ҳаёти ва меросига қизиқиш жуда кучли. Музей зиярати чоғида мен бунинг сабабларини ҳис этгандек бўлдим. Чиндан ҳам, Ўзбекистон жуда улғувор, бой ҳамда фахрланса арзийдиган тарихга эга. Уни асл ҳолича ўрганиш, буюк зотларнинг инсоният тамаддунига қўшган бекиёси улушини жаҳонро кенг тарғиб қилишга қаратилган ушбу эътибор тўғрисида Афғонистоннинг халқаро миқёсдаги ўрни ва нуфузи тобора юксалмоқда.

(Давоми 4-бетда).

Наталья ГЕРМАН:

«Минтақада ҳал этилиши лозим бўлган қалтис масалалар кўлами тобора камаймоқда»



Жаҳоннинг таниқли экспертлари, кенг жамоатчилик "Тинчлик жараёни, хавфсизлик соҳасида ҳамкорлик ва минтақавий шериклик" мавзусида Афғонистон бўйича юқори даражадаги Тошкент халқаро конференцияси муваффақиятли ўтганини билдиришмоқда. Анжуман учун ташкил этилган матбуот марказида тадбир натижалари фаол муҳокама қилинди. Мухбиримиз БМТнинг Марказий Осиёда превентив дипломатия бўйича минтақавий маркази раҳбари Наталья ГЕРМАНнинг фикр-мулоҳазаларини ёзиб олди.



— Афғонистон бўйича Тошкент конференцияси гоёси ўтган йил ноябрь ойида Самарқандда Ўзбекистон ташаббуси билан ташкил этилган яна бир муҳим тадбир — "Марказий Осиё: ягона тарих ва умумий келажак, барқарор ривожланиш ва тараққиёт йўлида-

ги ҳамкорлик" мавзусидаги халқаро анжуманда вужудга келган эди. Минтақавий муносабатларни мустаҳкамлашга қаратилган ушбу форумга, шунингдек, Афғонистон Ислам Республикаси ташки ишлар вазири Салоҳуддин Раббоний ҳам тақлиф қилинганди. Ушунда

Шавкат Мирзиёев Афғонистондаги инқирозни тинч йўл билан ҳал этиш борасида Ўзбекистонда йирик конференция ўтказиш таклифини илгари сурди.

(Давоми 3-бетда).

ЭКСКЛЮЗИВ ИНТЕРВЬЮ

Исматилла ИРГАШЕВ, Ўзбекистон Республикаси Президентининг Афғонистон бўйича махсус вакили:

«Ўзбекистон бундан кейин ҳам тинчлик жараёнига кўмаклашади»

Давлатимиз раҳбарининг қарори билан Афғонистон бўйича Президентининг махсус вакили институтини таъсис этилганига ҳадемай бир йил тўлади. Бу мамлакатимиз ташки

сиёсатида Афғонистон устувор аҳамият касб этишининг яна бир яққол тасдиғи бўлди.

(Давоми 2-бетда).

Мўъжизалар давом этади, ҳайратлар ортаверади



Мўъжизалар одамларни ҳамиша ҳайратлантириб келган. Тошкент метрополитени ҳам ноб ва ўзига хос иншоотлардан бўлиб, унга "Ер остидаги мўъжиза", дея нисбат берилиши ҳам бежиз эмас.

Бунёдкорлик

Албатта, метро — энг қулай ва ишончли транспорт воситаси. Шунингдек, уни бетакдор санъат асарига қийсласак арзийди. Ҳар бир бекати ўзига хос дизайнга эга миллийлик ва замонавийлик уйғунлигига асосланган. Масалан, "Алишер Навоий" бекати халқимизнинг буюк мутафаккири асарлари ҳақида муайян тасаввурлар уйғотса, "Пахтакор", "Дусллик", "Бодомзор", "Амир Темур", "Беруний" бекатларига номига мос композициялар танланган. Қисқаси, ҳар бирининг ўз "олами" бор. Манзил сари ошиқабтнингизга қарамай, маълум фўрсат ана шу "олам"га тушиб қоласиз.



билан бошланиб, айна пайта жадал тўсга кирган Тошкент метрополитенини узайтириш ҳамда янги ер усти метро қурилиши ҳам шу жиҳатидан алоҳида эътиборга молик. Айтиш жоизки, узунлиги 7,1 километрга тенг метрополитенининг Серғоли линияси 2020 йилга қадар фойдаланишга топширилиши режалаштирилган. Бу ерда "Ўзбекистон темир йўллари" акциядорлик жамиятига қарашли "Кўприк қурилиш трести" унитар корхонасининг 13-кўприк қурилиш отряди жамоаси гайрат-шижоат кўрсатиб меҳнат қилмоқда.

(Давоми 4-бетда).

ПАРЛАМЕНТДАГИ МУХБИРИМИЗ ХАБАР ҚИЛАДИ

ВАТАН ТАРАҚҚИЁТИ, ХАЛҚ ФАРОВОНЛИГИ

бугун пойтахтимизда очиладиган Ўзбекистон Республикаси Олий Мажлиси Сенатининг ўн тўртинчи ялпи мажлисида кўриб чиқиладиган масалалар ушбу мақсадларга қаратилган.

Сенатнинг мазкур ялпи мажлиси кун тартибидан "Давлат муҳофазатлари тўғрисида"ги (янги таҳрири), "Жамоатчилик назорати тўғрисида"ги, "Давлат харидлари тўғрисида"ги, "Ўзбекистон Республикаси Давлат хавфсизлик хизмати тўғрисида"ги, "Урмон тўғрисида"ги (янги таҳрири), "Суд-тергов фаолиятида фуқароларнинг ҳуқуқ ва эркинликларини кафолатларини кучайтириш бўйича чора-тадбирлар қабул қилинганлиги муносабати билан Ўзбекистон Республикасининг айрим қонун ҳужжатларига ўзгариш ва қўшимчалар киритиш тўғрисида"ги қонунлар ҳамда мамлакатимизда олиб борилган ислохотлар самарадорлигини тубдан кучайтиришга, Ҳаракатлар

стратегиясини "Фаол тадбиркорлик, инновацион ғоялар ва технологияларни қўллаб-қувватлаш йили"да амалга оширишга оид Давлат дастурини изчил бажаришга, халқаро ҳамкорликни мустаҳкамлашга қаратилган мақсаллар ўрин олган.

(Давоми 3-бетда).

Ўзбекистон Республикаси Олий Мажлиси Сенати ўн тўртинчи ялпи мажлисининг очилиши тўғрисида

Ўзбекистон Республикаси Олий Мажлиси Сенатининг ўн тўртинчи ялпи мажлиси — 2018 йил 29 март кунини эрталаб соат 10.00 да Тошкент шаҳрида Ўзбекистон Республикаси Олий Мажлиси Сенатининг мажлислар залида очилади.

Ўзбекистон Республикаси Олий Мажлиси Сенати аъзоларининг диққатига!

Ўзбекистон Республикаси Олий Мажлиси Сенатининг аъзолари — 2018 йил 29 март кунини соат 9.00 га қадар Ўзбекистон Республикаси Олий Мажлиси Сенати биносининг фойвесида рўйхатга олинад.

